

Broj : 05 - 02 – 7461 - 8/09
Sarajevo, 19. 04. 2010.godine

POREZNA UPRAVA FEDERACIJE BiH
SREDIŠNJI URED
SARAJEVO
Husrefa Redžića 4

Na osnovu člana 10. Zakona o organizaciji organa uprave u Federaciji BiH ("Službene novine Federacije Bosne i Hercegovine", br. 38/05) i člana 7. stav 1. alineja 28. Zakona o Poreznoj upravi Federacije Bosne i Hercegovine ("Službene novine Federacije B i H", broj 33/02, 28/04 i 57/09), Federalno ministarstvo finansija – Federalno ministarstvo financija, daje

S T A V

o uslovima koje rezidentni obveznik poreza na dohodak treba da ispuni da bi stekao pravo na priznavanje uvećanog ličnog odbitka iz člana 24. st. (7) do (10) Zakona o porezu na dohodak odnosno člana 58. st. (10) do (15) Pravilnika o primjeni Zakona o porezu na dohodak

Osim prava na osnovni lični odbitak i lične odbitke po osnovu izdržavanja članova uže porodice i invalidnosti koji se ostvaruju na osnovu porezne kartice, rezidentni porezni obveznik može ostvariti pravo i na uvećanje ličnog odbitka po osnovu člana 24. st. (7), (8) i (9) Zakona o porezu na dohodak, odnosno člana 58. st. (10) do (15) Pravilnika o primjeni Zakona o porezu na dohodak ("Sl. novine Federacije BiH", br. 67/08 i 4/10), a koji se odnose na:

- a) - premije uplaćene za životno osiguranje koje ima karakter štednje;
- premije za uplaćeno dobrovoljno penzijsko osiguranje;
- b) - troškove vezane za korištenje zdravstvenih usluga u okviru primarne, specijalističke i bolničke zdravstvene zaštite;
- troškove nabavke ortopedskih pomagala i protetičkih nadomjestaka za vlastite potrebe ili potrebe članova uže porodice koje obveznik izdržava;

- nabavke lijekova koji su propisani receptom.
- c) - plaćene kamate na stambeni kredit za rješavanje svog stambenog problema i problema članova uže porodice koje obveznik izdržava..

Iznosi navedenih ličnih odbitaka pod a), b) i c) utvrđuju se na osnovu vjerodostojne dokumentacije poreznog obveznika koja se dostavlja uz Godišnju poreznu prijavu (Obrazac GPD -1051) a iskazuju se u koloni c. reda 19. 20. i 21. prijave.

Lični odbici (osnovni lični odbitak i drugi lični odbici) utvrđuju se samo za onoliko mjeseci koliko iznosi porezni period za koji se podnosi godišnje porezna prijava, a najviše 12 mjeseci.

Iznosi troškova (premija osiguranja, troškova liječenja, nabavke ortopedskih pomagala i lijekova, plaćenih kamata na stambeni kredit i dr.) naznačeni na dokumentu ne mogu se uračunati u ukupan iznos ličnog odbitka, ako su ti troškovi nastali u mjesecu koji ne pripada poreznom periodu.

Troškovi koji se mogu uračunati u ukupan iznos ličnog odbitka, a odnose se na članove uže porodice (invalidnost, troškovi liječenja, nabavke ortopedskih pomagala, protetičkih pomagala i lijekova) odnose se samo na one članove uže porodice koji se u smislu člana 24. stav (5) Zakona o porezu na dohodak, smatraju izdržavanim licima.

Ako je ukupan lični odbitak utvrđen u većem iznosu od iznosa ostvarenog odnosno utvrđenog oporezivog dohotka, kao lični odbitak za taj porezni period koristi se samo iznos koji odgovara iznosu oporezivog dohotka tako da porezna osnovica za taj porezni period iznosi 0 KM. Neiskorišteni iznos ličnog odbitka (iznos koji prelazi iznos utvrđenog dohotka) ne može se prenositi niti nadoknađivati u narednom(im) poreznim periodima niti ustupati drugim poreznim obveznicima,

Zakon o porezu na dohodak, kako je to propisano odredbom člana 53., počeo se primjenjivati od 1. januara 2009. godine, što znači da su se od tog dana počele primjenjivati i odredbe člana 22. ovog zakona kojima se definiraju oporezivi prihodi fizičkih lica po osnovu ulaganja kapitala. U tački 2) stava (1) ovog člana kao oporezivi prihodi definiraju se i oni prihodi koje fizičko lice ostvari naplatom osigurane sume po osnovu životnog osiguranja i/ili dobrovoljnog penzijskog osiguranja i to u slučaju da je u periodu osiguranja korisnik osiguranja uplaćene premije osiguranja koristio kao poreznu olakšicu u smislu člana 24. stav (7) Zakona o porezu na dohodak.

Fizička lica koja su u toku 2009. godine, na osnovu ugovora o životnom osiguranju i/ili dobrovoljnom penzijskom osiguranju, ostvarila pravo na naplatu osiguranih suma, neće podlijegati obavezi plaćanja poreza na dohodak za 2009. godinu, jer prema propisima koji su važili do 31.12. 2008. godine, za ovakav vid dobrovoljnih i dodatnih osiguranja nije bila propisana porezna olakšica.

Uvećanje ličnog odbitka po osnovu uplaćenih premija životnog osiguranja, i/ili dobrovoljnog penzijskog osiguranja mogu koristiti ona fizička lica koja uz godišnju poreznu prijavu Poreznoj upravi dostave dokaze o uplaćenim premijama osiguranja u toku poreznog perioda za koji se podnosi porezna prijava, a najviše do iznosa od 2.520,00 KM, ako su premije uplaćene za svih 12 mjeseci i ako je mjesečna premija iznosila najmanje 210,00 KM (Osnovni mjesečni lični odbitak $300 \times 0,7 = 210 \times 12 = 2.520,00$ KM).

Ako su mjesečne premije iznosile manje od 210,00 KM lični odbitak po ovom osnovu se može koristiti u iznosu koji odgovara iznosu uplaćenih premija odnosno u iznosu koji odgovara proizvodu iznosa mjesečne premije i broju mjeseci poreznog perioda.

Uvećanje ličnog odbitka po ovom osnovu porezni obveznik može koristiti samo po osnovu premija koje je sam uplaćivao odnosno koje je u njegovu korist uplaćivao poslodavac, ako je na te premije poslodavac obvezniku prethodno obračunao, obustavio i uplatio obavezne doprinose (31%) i porez na dohodak (10%).

Porezni obveznici koji koriste lični odbitak po ovom osnovu, bit će u obavezi platiti porez po odbitku na odgovarajući iznos osigurane sume u godini kada isplata osigurane sume bude izvršena.

Uvećanje ličnog odbitka po osnovu troškova liječenja obveznika poreza i članova uže porodice koje obveznik izdržava (član 24. stav (8) Zakona o porezu na dohodak mogu koristiti rezidentni porezni obveznici koji uz godišnju poreznu prijavu prilože vjerodostojnu dokumentaciju

Zdravstvenim uslugama smatraju se:

- ljekarski pregledi,
- dijagnostičke i laboratorijske pretrage,
- dijagnostički i terapijski postupci,
- operativni zahvati (osim estetskih i kozmetičkih),
- bolnička zdravstvena zaštita i medicinska rehabilitacija,
- stomatološke usluge i protetički nadomjesci,
- lijekovi propisani na recept.

Za priznavanje uvećanja ličnog odbitka po osnovu troškova zdravstvenih

usluga, nabavke lijekova, ortopedskih pomagala i protetičkih nadomjestaka, potrebno je priložiti originalne račune o obavljenoj usluzi i potvrdu o njihovom plaćanju, što podrazumijeva:

- originalnu dokumentaciju **ovlaštenih javnih zdravstvenih ustanova** (bolnice, klinike, zavodi i dr.) koja glasi na ime poreznog obveznika ili izdržavanog člana njegove porodice koji se liječio,
- potvrdu o participaciji,
- potvrdu o plaćanju troškova,
- kopiju recepta za lijekove registrovane na području Federacije, i račun apoteke kao dokaz da je lijek plaćen,
- kod nabavke ortopedskih pomagala dokaz o stepenu invalidnosti, što uključuje i članove uže porodice koje porezni obveznik izdržava),
- izjavu da za navedene svrhe nije primljena donacija odnosno da troškovi liječenja i/ili nabavke ortopedskih pomagala nisu nadoknađeni iz sredstava donatora.

Rezidentni porezni obveznici mogu uvećati lične odbitke za iznos stvarnih troškova plaćenih za zdravstvene usluge i nabavku ortopedskih pomagala i protetičkih nadomjestaka za vlastite potrebe ili za izdržavane članove uže porodice, ukoliko se radi o zdravstvenim uslugama iz okvira **primarne, specijalističke i bolničke zdravstvene zaštite**, koje se pružaju u svrhu liječenja, koje nisu plaćene iz osnovnog i privatnog zdravstvenog osiguranja, ili od strane poslodavca, odnosno donatora (izjava).

Uvećanje ličnog odbitka po osnovu plaćenih kamata na stambeni kredit

Da bi mogao koristiti uvećani lični odbitak po osnovu plaćenih kamata na stambeni kredit porezni obveznik mora uz godišnju poreznu prijavu priložiti slijedeću dokumentaciju:

- fotokopiju ugovora o stambenom kreditu (u obzir dolaze ugovori o stambenom kreditu sklopljeni prije i poslije 01.01. 2009. godine),
- ovjerenu potvrdu ili listing banke kao dokaz o plaćenim kamatama za porezni period za koji se podnosi porezna prijava,
- dokaz da obveznik i njegov bračni drug ne posjeduju nepokretnu imovinu za stanovanje – uvjerenje od nadležnog suda i/ili općine,
- dokaz da su sredstvima odobrenog stambenog kredita riješili ili počeli rješavati stambeno pitanje (kupili odgovarajuću stambenu jedinicu odnosno sklopili ugovor o kupovini ili gradnji odgovarajuće stambene jedinice, kreditom kupili plac i materijal za gradnju stambene jedinice i sl.).

U smislu odredbi Zakona o porezu na dohodak, odgovarajućom stambenom jedinicom smatra se stambeni prostor veličine do 120 m².

- izjava poreznog obveznika da on i članovi uže porodice koji zajedno sa njim rješavaju svoje stambeno pitanje nisu vlasnici ili suvlasnici nekretnina za stanovanje i da ovim kreditom prvi put rješavaju stambeno pitanje. Oblik i sadržaj izjave dati su u ovom Stavu.
- kopija ugovora o kupoprodaji ili gradnji stambene jedinice;
- kopije računa o kupovini placa i/ili materijala za gradnju stambene jedinice (u slučaju individualne izgradnje) sa dokazima o izvršenom plaćanju istih;
- u slučaju da u toku poreznog perioda za kojeg se podnosi godišnja porezna prijava porezni obveznik nije sredstva kredita namijenjena za rješavanje svog stambenog pitanja angažovao odnosno namjenski utrošio, potrebno uz prijavu dostaviti izvod računa banke kao dokaz da sredstva stambenog kredita do dana podnošenja godišnje porezne prijave nisu utrošena u druge svrhe, uz obavezu da dokaze o namjenskom utrošku tih sredstava naknadno dostavi Poreznoj upravi, i to najkasnije do kraja tekuće godine.

Porezni obveznik - podnosilac izjave:

Adresa stanovanja: _____

Matični broj : JMB

Porezna uprava Federacije BiH
Kantonalni porezni ured _____
Ispostava _____

U svrhu korištenja prava na uvećanje ličnog odbitka po osnovu iznosa kamate plaćene na stambeni kredit, shodno članu 24. stav (9). Zakona o porezu na dohodak („Službene novine Federacije BiH”, broj: 10/08 i 9/10), odnosno članu 58. stav 12. Pravilnika o primjeni Zakona o porezu na dohodak („Službene novine Federacije BiH”, broj: 67/08 i 4/10), kojim porezni obveznik po prvi put rješava svoj stambeni problem, pod krivičnom i materijalnom odgovornošću, dajem slijedeću

I z j a v u

Ja i članovi porodičnog domaćinstva (bračni drug i djeca) nemamo riješeno stambeno pitanje, tj. niko nije, niti je ikada bio nosilac stanarskog prava na

odgovarajućem stanu ili vlasnik kuće ili stana izgrađenog na području Federacije BiH, tj.

- Nemamo u vlasništvu porodičnu stambenu zgradu ili stan .
- Niko od nas nije imao u vlasništvu porodičnu stambenu kuću ili stan, koju/i smo prodali, poklonili, odnosno drugim pravnim poslom otuđili.
- Nismo svojom krivicom ili voljom ostali bez stana/kuće (odlukom suda, u postupku razvoda braka, odricanjem od nasljedstva u idealnom dijelu ako poklonjeni idealni dio predstavlja mogućnost za stvaranje stambene cjeline u površini koja pripada zaposleniku), te sebe doveli u situaciju da imamo neriješeno stambeno pitanje.

Datum:

Potpis:

S poštovanjem,

MINISTAR
Vjekoslav Bevanda